

葵園紀念刊

程潛敬題



湘中三老合影



葵園大師

敬輿太史

湘綺老人

上為湘中三老湘綺老人，敬輿太史，葵園大師合影一幀，乃遜清宣統二年庚戌孟春，雅集葵園時所攝也。湘鄉顏息齋先生，曾送交船山學報，影印千幀，早已流傳海內矣。甲申寇陷長沙，石菴四弟於兵燹中，艱苦保存，今歲孟秋，製銅版刊入葵園述略卷首，以垂久遠，後附葵園大師百零七歲冥誕公祭攝影一幀，湘中耆宿及大師門人，咸造在庭，葵園又為大師讀書樂道處。雅集其中，沐先哲之流風，徵舊家之文獻，以視浮世功名，當時則榮，歿則已焉，為何如哉！民國戊子仲秋月朔

世姪 舒禮鑑 拜識

長沙王葵園先生七百誕辰紀念攝影
戊子七月廿九日
題



王葵園先生紀念刊題詞

門人曹典球謹撰

民國三十七年，戊子歲七月朔，長沙 王葵園先生百有七歲誕辰，適逢先生主講嶽麓書院時之門下禮陵 程頤雲先生回湘主政，同人等大喜過望，以爲河汾之學，易代而始光，朱張之澤，邇世而彌永，淵源可溯，典型不荒，是慰先生之靈於九原而無數也，然余竊因之有感焉，夫葵園之學，莫采之功而已，如李肖聃、楊遇夫、胡春漢、王嘯蘇、曹孟其諸君子，類能詳言之。余近日讀清光緒朝實錄，及先生之自定年譜，則知先生固軍事功，講經濟，而如荀卿所謂有益人國之大儒也，匪惟義理考據詞章之有可紀焉，蓋先生自光緒五年，補翰林院侍講後，洊晉爲國子監祭酒，江蘇舉政之際，無日不以建言進諫爲己責，光緒五年，有言路宜防流弊摺，有奏已革雲南巡撫徐之銘情罪重大請嚴旨查辦摺，有因出使俄國大臣崇厚擅自回京敬陳管見摺，有代湖北提督郭松林擬請通飭各省選將練兵摺，光緒六年，有請將崇厚從嚴治罪摺，有奏東三省防務宜派大員督辦兼轄地方以一事權摺，有奏會議防俄未盡事宜摺，有奏招商局關緊要宜加整頓摺，有奏擬招商運茶出口摺，光緒十一年，有奏三海工程請暫行停罷摺，有代人擬請飭會拿直東豫三省交界盜賊摺，有奏請國學添設舉監名目准舉人入監肄業摺，至光緒十四年，在江蘇舉政任內，有奏太監李蓮英招謫 請旨嚴懲摺，以侮逆西后，罪在不測，而清廷憚於清議，以摺留中，使廷臣諷之託病請假，十五年，乃開缺回籍，從此優游林下，專以著作爲事，而迄今考其所爲奏議，如論防俄，須暫聯日本，則爲吾國救亡唯一之外交政策，如論招商局船舶，須擴充航行海外，則爲吾國救貧興利之不二法門，如論改革軍政，宜效法歐美，並於各省練兵慎選統將，則爲吾國國防宜中央與地方分執責任之根本至計，至於謂龍三海工程，參劾李蓮英則已灼知西后禍國敗家，禍水之府溢，非廢之不足以保清衛國，固無待於戊戌六君子庚子之正義會之焦頭爛額，早已爲曲突徙薪之謀矣；豈荀子所謂呼先王以欺愚者而求衣食之徒，所能望於臺末者哉？况先生於隱居之日，於湖南自關商埠，爭回粵漢鐵路修築權，維護湖南銷權，興辦簡易平民教育，皆以赤忱愛國訓民爲心，絕無罔利自私愚民黨邪之念，存於其胸，如彼僞儒俗儒之所爲。此余之所親承談未而篤信其然者也。惜大行不可測，世變不容已，先生既不得志於時，山林終老，承學之士，幾不知先生乃有益人國之大儒，惟以伏生申公敬之，幸今有頌雲先生，出自先生門下，實當時親炙受教之賢，吾知房玄齡之效績，必光大其薪傳，眞德秀之公勤，將無遜於前哲，詩曰：殷鑒不遠，在夏后氏之世。又曰：杖屨未有害，本質先蠶，天行雖不可測，世變雖不容已，或者殷鑒猶在，本質不撥，吾湘吾國，有剗極必復，貞下起元之一日乎，葵園哲嗣，石菴延祺諸君，既登朋舊紀念先生生日詩文都爲一集，而以程公本年題詞冠其首，余不揣固陋，述其感懷於此，非敢妄爲攀援也，亦惟新年年得爲太平之民，扶杖而與葵園之列，則幸甚矣，故以先生愛國訓民之遺教，爲程公告焉爾。

葵園述略序

長沙名宿，在清季以文學稱，而年事之高，治學之勤，教澤之廣，首推湘綺葵園兩先生，人所稱二王者也，兩先生者，並著書滿家，海內翕然宗之，而葵園所纂書，沾溉後學者尤衆，清史列傳儒林，比蹤前哲，蓋非獨鄉邦山斗之望而已，或以葵園學力之深，樂度之密，獨惜其著作少於纂述，殊不知在昔，紀阮兩文達文章經濟震一時，而其畢生著述，乃以四庫全書總目提要，十三經注疏校勘記，皇清經解等書，最稱於世，斯蓋恪守宣尼述而不作之旨也，葵園之意，殆亦若是歟？葵園卽世，忽忽三十年矣，其嗣君石菴，克守楹書，喜與文學之士相接，歲值葵園生曰，必設酒食，延賓客，公祭乃翫於家，誠可謂能追遠者矣，今又類纂葵園譜、傳、碑、狀、遺文、雜記而刊之，名曰葵園述略，句余爲序以弁其端，余不文，曷足以表章先哲，以其文孫宗繼，宗楷從余遊也，乃不獲辭而爲之說，以副石菴述先之意，且志余之景仰云，戊子秋日後學毗陵錢无咎謹序於長沙營盤街非相園

葵園述略目錄

圖 像

一、湘中三老圖

二、葵園先生百七誕祭攝影

題 詞

葵園述略序

曹典球
錢无咎

譜傳碑狀

葵園公年譜節錄	王祖陶
清史儒林列傳	清史稿
王葵園先生家傳	彭清藜
王葵園先生墓志銘	吳肇基
長沙王葵園先生墓碑	黃兆枚
王葵園先生墓表	顏昌嶠
先府君行狀	王祖陶

遺書自序

新舊序書合注序	待刊稿
元史拾補序	待刊稿

葵園述略目錄

外國通鑑序	待刊稿
新修晉書序	待刊稿

遺書序跋

虛受堂文集後序	葉德輝
甫受堂集後序	葉德輝
葵園學述圖序	陳國訓
葵園讀書跋	李肖聃
題葵園所著書後	李肖聃
後漢書集解附錄序集解校補跋	黃山

哀 祭

葵園先生哀贊	郭煒登
葵園王先生誌	曹孟其
葵園先生九十九生日公祭文	王嘯蘇
葵園先生九十六歲生日公祭文	李肖聃
葵園先生百有五歲生日公祭文	王嘯蘇
葵園先生百有六歲生日公祭文	王嘯蘇
葵園先生公祭述感	胡康華
哭葵園太老師八首	斐德輝
哭葵園師四首	金鏡蓉
哭葵園師一首	胡思敬
哭葵園師二首	黃兆枚

葵園夫子九十生日	彭濟藜	戊子孟秋朔爲世父誕辰公祭七絕四首貽諸弟	王慎重
前題	孫文昱	戊子孟秋朔爲先府君誕辰步虞東兄原均	王祖顯
前題	顏昌嶠	葵園大師白零七歲公祭感賦	魏悟性
前題	曹孟其	前題用悟性上人原韻	釋自智
前題	王嘯蘇	壽星明詞一章	魏節山
葵園夫子九十二歲生日	黃兆枚	憶江南詞一章	戴容齋
前題	胡庶華	憶江南	岑鑫
前題	劉鍵	先伯葵園公百七誕辰紀盛	王喬庵
前題	卜世藩	葵園姻丈百七誕辰紀盛	郭君偉
葵園大師九十三歲生日	魏節山	葵園大師百七公祭紀盛	李仲明
前題	李澄宇		
葵園大師百有六歲生日	胡庶華		
前題	蔣維喬	葵園記	李楨
前題	劉鍵	三植堂序	曾國荃
前題	李澄宇	永慕廬銘	郭嵩燾
前題	周逸	重修葵園紀	王祖陶
前題	朱靜軒	重修葵園紀事	魏曉清
前題	魏節山	葵園後記	李澄宇
葵園夫子百七誕辰公祭感懷	李德蘭	遊葵園記	歐陽綸
前題	蕭仲祁	涼塘先墓記	王祖陶
前題	鄧振聲	題涼塘隱居圖	李世璜
前題	柳敏泉	涼塘同憶	馬文仁
前題	馬續常	懷葵園夫子	栗棧

園墓紀述

雜記

王葵園先生百零四年生日紀念記	曹典球
王葵園先生百有五歲生日	曹典球
王葵園先生百有五歲生日感言	楊樹達
壽王葵園先生	黃性一
王葵園先生百有六歲生日	曹典球
紀念王葵園先生百有六歲誕辰	周之舞
葵園太老師百有六歲紀念獻詞	歐陽翥
附葵園太老師與陳揚齋前輩書	
論先伯葵園公之治學	王祖岐
先伯葵園公遺詩輯補	王祖岐
葵園公考求實業	王喬庵
王葵園太先生逝世三十週年紀念詞	陳鍾凡
葵園先生著作述所聞	楊樹達
葵園大師著述目錄考	魏節山

葵園述略目錄

名賢來札選鈔

記葵園先生遺事	李肖聃
記王葵園師居家巷城始末	馬明龍
讀先大父續古文辭類纂序書後	王宗熾
讀先大父續古文辭類纂序書後	王宗楷
江南文獻話葵園	魏節山
一代宗師世澤長	黃光燾
王葵園大師誕辰公祭剪影	章蘇
翁同龢：郭嵩燾：陳寶琛：譚鍾麟：曾紀澤	
朱一新：李慈銘：張百熙：瞿鴻禨：吳慶坻	
吳光堯	
葵園述略後序	魏節山
跋	王祖陶
編後餘譚	黃仲甫

譜傳碑狀

葵園公年譜節鈔

男祖陶敬輯

道光二十二年壬寅七月初一日子時生

始祖霽。江南上元人。明正德進

祖聲揚。祖遠松。父錫光。俱縣學生。母鮑太夫人。時寓省城營

學爲詩文。父命名曰先謙。字益吉。

道光二十五年乙巳四歲。

始入家塾。從伯兄會庭君學。

道光二十六年丙午五歲。

道光二十七年丁未六歲。

像贊



上功不諧。而以文顯。
臺省翔步。清華是踐。
滇南江左。俱有使輶。
密上封事。翊贊當朝。
注史箋經。士林披讀。
名山師席。比於白鹿。
清亡身隱。棲伏涼塘。
觀生有居。追風夕堂。
門下晚生杜本崇敬題

道光二十八年戊申七歲。

道光二十九年己酉八歲。

道光三十年庚戌九歲。

咸豐元年辛亥十歲。

文始完篇。

咸豐二年壬子十一歲。

從縣學生閱浩齋先生振翰學。

咸豐三年癸丑十二歲。

從仲兄敬吾學。

咸豐四年甲寅十三歲。

始應童試。

從仲兄敬吾學。

咸豐四年甲寅十三歲。

始應童試。

從仲兄敬吾學。

咸豐四年甲寅十三歲。

葵園述略

士。官岳州府通判。始徙長沙。
太高祖振璽。乾隆進士。高祖章。
乾隆拔貢。通道安溪教諭。曾

道光二十三年癸卯二歲。
道光二十四年甲辰三歲。

盤街。

從仲兄敬吾學。

咸豐四年甲寅十三歲。

始應童試。

藝園述略

咸豐五年乙卯十四歲。安寓...

從縣學生林子靜先生樹榮學...

咸豐六年丙辰十五歲。...

從善化兵部主事黃翰仙錫爵學...

咸豐七年丁巳十六歲。

是年入縣學。學使為浙江張編修...

金鏞。字海門。秋試薦未售。

咸豐八年戊午十七歲。

在家授弟禮吾讀。十月。張夫人...

來歸。

咸豐九年己未十八歲。

歲試一等第五名。補廩膳生。學...

使為江夏胡侍郎瑞澗。字筱泉。

咸豐十年庚申十九歲。

科試一等第八名。

咸豐十一年辛酉二十歲。

六月十八日父卒。奉母無資。赴...

武昌父執胡心泉和兄友李振臣讓...

薦入長江水師學堂。...

所。司書記。...

同治元年壬戌二十歲。

二月。辭歸。...

同治二年癸亥二十一歲。

二月督辦陝南軍務李布政相延入...

幕。李以病免。旋入湖北提督梁...

公洪勝幕。

同治三年甲子二十三歲。

自軍假歸。中試第四十名舉人。

座主為常熟龐文恪鍾璫。字寶生。

壽陽祁文恪世長。字子餘。房...

名士蚤達。例為國寶。

雲雷經綸。湘中一老。

預知國亂。深憂在抱。

退而著述。翼經衛道。

奕終向日。槐陰並好。

雖逝永生。世護遺稿。

後學何 鍵敬題

師為知興甯縣豐城萬時若虛谷。

十月。周夫人來歸。

同治四年乙丑二十四歲。

會試中式第二百名。座主為黃縣...

曹文端楨。字筠堂。譚端恪廷襄...

竹崖。吉林寶文靖盛佩衡。宛平...

桑文端春榮伯儕。房師為胡瑞湖...

同治五年丙寅二十五歲。

二月。周夫人抵京。...

二

被泉。覆試二等第二十五名。殿...

試二甲第九十三名。朝考一等第...

四名。引見點翰林院庶吉士。大...

教習為南城周文勤祖培芝臺。全...

同治五年丙寅二十五歲。

十月。周夫人以產難卒。十一月...

往江西。

同治六年丁卯二十六歲。

正月。由江西浙江甯歸里。...

同治七年戊辰二十七歲。

四月。散館。授職編修。

同治八年己巳二十八歲。

赴京。充國史館協修。

同治九年庚午二十九歲。

是歲。簡雲南鄉試副考官。

同治十年辛未三十歲。

六月。續娶李夫人。迎太夫人至...

同治十一年壬申三十一歲。

二月。奉太夫人抵京。...

補...

...

...

...

國史館纂修。是歲七月。刊漢魏歌繹文鑑正成。

同治十二年癸酉三十二歲。

十一月。補功臣館纂修。

同治十三年甲戌三十三歲。

三月。充會試同考官。得士陳光煦等十九人。

光緒元年乙亥三十四歲。

正月。子榮祖生。四月大考。二等第五名。擢補右中允。五月充實錄館協修。六月簡江西鄉試正考官。得士涂官俊等一百三十九人。

光緒二年丙子三十五歲。

一月。補國史館總纂。三月。任文淵閣校理。六月。簡浙江鄉試副考官。十二月。補實錄館纂修。兼充總校。

光緒三年丁丑三十六歲。

正月。轉左中允。

光緒四年戊寅三十七歲。

十二月。升補司經局洗馬。

光緒五年己卯三十八歲。

奏閩述略

五月升補翰林院侍講。旋充日起講居注官。六月奏言路宜防流弊。請旨飭諭以肅政體。十九月。

奏劾雲南巡撫徐之銘誤國殃民。七月。轉補侍讀。十二月。升補右春坊右庶子。奏劾出使俄國大臣崇厚違旨辱命。代湖北提督郭松林擬通飭各省選將練兵疏。八月。

刻乾隆朝東華續錄百二十卷成。

光緒六年庚辰三十九歲。

三月。充會試同考官。得士于式枚等二十三人。十四日。轉補左春坊左庶子。四月。升國子監祭酒。奏請遣重臣督辦東三省防務及會議防俄。十月。奏整頓招商局並設立公司運貨出洋。

光緒七年辛巳四十歲。

光緒八年壬午四十一歲。

三月十六日。丁母鮑太夫人憂。扶柩回籍。是歲二月。刻撰集續古文辭類纂成。

光緒九年癸未四十二歲。

十月。葬母於善化仙人市栗樹壩。是歲四月。校刊魏鄭公諫錄校注鄭公諫錄文貞故事拾遺文貞年譜魏徵列傳成。輯新唐書合注。

光緒十年甲申四十三歲。

五月。成天命天聰順治康熙雍正東華錄。合前刻嘉慶道光咸豐同治共四百一十九卷。又刊天祿琳琅前後編三十卷。爲亡友李鴻章劉其遺著壽梅山房詩。丁竺雲容綬刊其磨綺室詩存。校刻吳氏郡齋讀書志。趙氏附志。刻巴陵毛貴銘詩抄。九月。服闋入都。

光緒十一年乙酉四十四歲。

六月。補授國子監祭酒。二十三日奏請停罷三海工程疏。請舉人及職官得入監讀書。八月。簡放江蘇學政。十月抵江陰。頒發勸學瑣言。開設南菁書局。彙刻先哲遺書。

光緒十二年丙戌四十五歲。

六月。奏請續刻皇清經解。

三

葵園逸略

光緒十三年丁亥四十六歲。

按試徐海常州鎮蘇太松各屬。

光緒十四年戊子四十七歲。

春按試揚州通州。三月。奏劾太監李蓮英。六月。科試江寧。是月。續刻經解成。凡千四百卷。

八月。請假回籍。十一月抵長沙。

是歲刻周自庵先生思益堂集成。

又刊南菁書院叢書成。

光緒十五年己丑四十八歲。

奏請開缺。報可。六月。築宅荷花池。署曰葵園。七月。輯刻新化歐陽輅東詩鈔。

光緒十六年庚寅四十九歲。

主講思賢講舍。集衆議於慶務公所。歲釀六百金刻書。是爲思賢局之始。是歲輯刻孫鼎臣周壽昌李沅王闓運張祖同杜貴墀六家詞鈔六卷。又選刊同邑毛國翰青瑣詩鈔。

光緒十七年辛卯五十歲。

主講思賢講舍。二月。移主城南書院。五月。刻荀子集解成。又

三月。校刻世說新語成。十一月。校刊鹽鐵論成。

光緒十八年壬辰五十一歲。

主講城南書院。八月校刊郭侍郎嵩靈養知書屋集。七月。刊合校水經注四十卷成。

光緒十九年癸巳五十二歲。

主講城南書院。五月。輯刻巴陵吳敏樹湖文集成。

光緒二十年甲午五十三歲。

主講城南書院。

光緒二十一年乙未五十四歲。

主講城南書院。

光緒二十二年丙申五十五歲。

主講嶽麓。五月。刻葵園校士錄成。

光緒二十三年丁酉五十六歲。

主講嶽麓。

光緒二十四年戊戌五十七歲。

主講嶽麓。梁啓超來主時務學堂。致書陳巡撫賀歲。請倡正學以端士習。

光緒二十五年己亥五十八歲。

四

主講嶽麓。

光緒二十六年庚子五十九歲。

主講嶽麓。繼從弟先泰子湘閣爲嗣。二月。刻漢書補注百卷成。閏八月。刻虛受堂文集成。十二月。輯律賦類纂成。

光緒二十七年辛丑六十歲。

主講嶽麓。刻辨文類纂成。又重刊景教碑文紀事考正成。

光緒二十八年壬寅六十一歲。

主講嶽麓。刻日本源流考二十二卷成。刻虛受堂詩集成。

光緒二十九年癸卯六十二歲。

主講嶽麓。巡撫俞廉三奏聘爲師範館長。建一門四節坊於南城外官道旁。

光緒三十年甲辰六十三歲。

是歲。刻尙書孔傳參正成。

光緒三十一年乙巳六十四歲。

修三世祠堂於城北稻谷倉。春秋祭祀。歲以爲常。巡撫忠愍公端方。請總圖書館事。謝之。

光緒三十二年丙午六十五歲。

移寓東鄉涼塘。六月入城。總督

張文襄之洞奏充粵漢鐵路名譽總

理。門人梁文忠鼎芬奏請起用。

光緒三十三年丁未六十六歲。

是年。頭眩足跌。閉門謝客。張

之洞奏春萱奏充湖南學務公所議

長。六月。張之洞請爲存古學堂

名譽總教習。

光緒三十四年戊申六十七歲。

禮部奏充禮學館顧問官。五月岑

春萱奏進所著尙書孔傳參正。漢

書補注。荀子集解。日本源流考

四書。詔加內閣學士銜。岑春萱

請爲諮議局籌辦處會辦。

宣統元年己酉六十八歲。

八月刻莊子集成。

宣統二年庚戌六十九歲。

正月。復繼從弟先博子祖陶爲子

。字曰石菴。三月五日。饑民闕

團撫署衛隊開槍。黃自元等電京

請旨易撫。假公名領銜。總督瑞

澂劾。降五級調用。疏辯不報

。九月。刻五州地理志略成。

宣統三年辛亥七十歲。

七月生日。友人多以文詩爲壽。

八月。武昌軍起。避難平江。寓

蘇郎中興家。十月。刻先德所著

詩義標準成。

民國元年壬子七十一歲。

民國二年癸丑七十二歲。

移寓平江縣城。旋寓黃甲山。刻

詩三家義集疏成。

民國三年甲寅七十三歲。

三月十六日。子祖恩生。四月返

省。移居涼塘。

民國四年乙卯七十四歲。

寓涼塘。刻後漢書集解成。又爲

元史拾補十卷成。

寓涼塘。爲外國通鑑三十三卷成。

民國六年丁巳七十六歲。

寓涼塘。爲新舊唐書合注成。十

一月二十六日已時考終。十二月

十九日。安葬涼塘舊莊附宅之原

清史儒林列傳

王先謙。字益吾。號葵園。長沙人。同治四年進士

。選庶吉士。授編修。光緒元年。大考二等。擢中允。

充日講起居注官。歷上疏言路宜防弊。請籌東三省防

務。並劾雲南巡撫徐之銘。六年晉國子監祭酒。八年。

丁憂歸。服闋。仍故官。疏請三海停工。出爲江蘇學政

。十四年。以太監李蓮英招搖。疏請懲戒。略言：宣寺

之患。自古爲昭。本朝法制森嚴。從無太監攪權害事。

皇太后垂簾聽政。一稟前讓。毫不寬假。此天下臣民所

共知共見者。乃有總管太監李蓮英。秉性奸回。肆無忌

憚。其平日穢聲劣迹。不敢形諸奏牘。惟恩太監等給使

官禁。得以日近天顏。或因奔走徵長。偶邀宸顧。度亦

事理所有。何獨該太監謗張恩遇。大肆招搖。致大監範

小李之名。傾動中外。驚駭物聽。此即其不安本分之明證。易曰。履霜堅冰。漸也。皇太后皇上。於制治保邦之道。靡不動求夙夜。遇事防維。今宵小橫行。已有端兆。若不嚴加懲辦。無以振綱紀而肅眾情。疏上不報。先謙歷典雲南江西浙江鄉試。抑難人才。不遺餘力。既蒞江蘇。先奏設書局。仿阮元皇清經解例。刊刻經解一千四百三十卷。南菁書院。創於苦節芳。先謙廣籌經費。每員拔取才士入院。而督教之。誘掖獎勵。成就人才甚多。開缺還家。歷主思賢講舍。嶽麓。城南兩書院。其培植人才。與前無異。三十三年。總督陳夔龍巡撫岑

春萱。葵以所著書進呈。賞內閣學士銜。宣統二年。長沙飢民鬧圍撫署。衛兵開槍。擊斃數人。民情愈憤。匪徒乘之。放火燒置。省城紳士。電請易巡撫。以先謙名列首。先謙不知也。總督瑞澂奏參部議降五級。同鄉京官胡祖蔭等。以冤抑呈遞都察院。亦不報。民國肇造。改名遜。遷居鄉間。越六年卒。著有尙書孔傳參正三十六卷。三家集詩講疏二十八卷。前漢書補註一百卷。後漢書集解一百二十卷。莊子集解八卷。荀子集解二十卷。日本源流考二十二卷。外國通鑑三十三卷。虛受堂詩文集三十六卷等。

王葵園先生家傳

受業 彭清葵 丙子九月

葵園先生即世二十年。哲嗣石菴君以王氏四修宗牒故。督清藪爲先生家傳。予維先生清季巨儒。門庭廣大。著述四千百卷。章星聖業。繼往開來。將歷萬古而不能磨滅。至其行事。詳先生自定年譜。及清史本傳。錢塘吳慶坻所爲墓誌銘。門人黃兆枚爲墓碑。其何待清藪贅言。雖然。家傳所以示後昆也。謹撮其聲華大者述之。先生諱先謙。字益吾。葵園其晚號也。其先世居江南上元明正德間。有進士諱儒者。官岳州通判徙長沙。遂爲縣人。十三傳至先生。幼貧甚。二十而孤。力學不倦。爲生計出爲長江水師營導營書記。取薪奉母。及成進士。選庶吉士。授編修。充日講起居注官。補國子監祭酒

。典試江西。浙江。雲南。簡放江蘇學政。歷上疏言路宜防弊。請籌東山省防務。劾雲南巡撫徐之銘。又如請停罷三海工。劾太監李蓮英。皆正色直言。天下稱頌。生平撰述。四部備綜。孟荀一塗。漢宋共轍。所以嘉惠士林者甚偉。然嘗稱鹿門爲經師。推邵園爲博學。至老尤勤。棠棣之愛尤篤。爲諸嫂立一門四節坊。教諸弟慎於著述。歷主講思賢嶽麓城南諸書院。教士務以文行合一。孝友爲先。故其門徒。舉皆篤實。雅絕虛浮。先生自倖儉樸。篤宗禹謨。言仁本乎西銘。爲善引爲最樂。樂善好施之額。德宗御書。長沙三植之堂。曾侯特署。晚節克全。振鐸百世。鄂督陳夔龍。湘撫岑春萱。特

以先生著進呈。率旨嘉獎。賞內閣學士銜。國變後。避居平江。晚隱涼塘。杜門謝客。以著述自娛。丁巳冬月二十六日卒。春秋七十有六。葬涼塘左壩。配張夫人。繼配周夫人。李夫人。副室宋氏毛氏。子三。興祖。祖陶。(一)石菴祖恩。孫四。代蕃。宗熾。宗楷。代琛。孫女四。代芳。代芬。代璫。代玲。

王葵園先生墓誌

門下士 錢塘吳慶坻敬撰

長沙王先生之喪。赴至杭州。慶坻爲位而哭。而善化相國翟公書來。督爲墓銘。先是辛亥春。慶坻別先生長沙。先生授以自訂年譜。曰：他日銘吾墓者。子也。其後燭先生書：申言之。孤子興祖等。又奉遺命來請。會疾作。歸葬未定。而相國薨。且改歲矣。追念諸責。貴族夙夜。乃忍痛爲序而銘焉。先生諱先謙。字益吾。學者稱葵園先生。葵園者。先生歸里所築居也。壬子後。自署曰遜。不書名。先世居江南上元。明正德間。進士諱雷。官湖南岳州府通判。徙長沙。遂爲縣人。曾祖諱聲揚。祖諱遠松。俱縣學生。考諱錫光。以先生官軍恩兩代。累贈通奉大夫。祖妣氏會。妣氏鮑。累贈夫人。先生二十而孤。貧甚。出爲長江水師嚮導營書記。受補以奉母。尋謝歸。以廩膳生舉同治甲子鄉試。乙丑成進士。改翰林院庶吉士。散館。授編修。景廡初元。大考二等。擢經中允。累遷左中允。司右局洗馬。翰林院

葵園述略

讀曰先生平生以書爲性命。著述宏富。門庭廣大。予壯歲每過先生家。必留校書數葉。談論不休。受益於先生者多。今先生又即世二十年。尙欣明德有後。子輩能繼承先緒。典守楹書。不染奢靡之風。予是以知君子之澤長矣。

銘

侍講。右春坊右庶子。左春坊左庶子。國子監祭酒。丁母憂。服除。補原官。其兼職則國史館協修。纂修。總纂。功臣館纂修。實錄館協修。纂修總校。奏派纂修穆宗毅皇帝聖訓。文淵閣校理。本衙門撰文。日講起居注官。其奉考。則同治庚午雲南副使官。光緒乙亥江西正考官。丙子浙江副考官。乙酉江蘇學政。任滿假歸。修墓。旋引疾不復出。先生立朝。用名節自勵。光緒初。詔求直賢。廷臣爭務建白。喜抨擊。或涉朋比。先生憂之。上言路宜防流弊疏。同列糾劾。斥爲莽言。聖明鑒其無他。寢弗問。先生益感奮。論已革滇撫徐之銘情罪重大。請嚴旨查辦。諭招商局關緊重要。請飭整頓。伊犁之約。疏凡四上。一曰俄人巨測。條舉籌備四事。一曰寬減崇厚罪名。宜俟條約更定。一曰東三省宜簡重臣督防。一曰會購防俄未盡事宜。凡諸規劃。多切中利害。在國學日。請准舉人職官。入監肄業。請頒列聖御製

詩文集，列聖聖訓，欽定方略，俾士得服習國故，新致用，而罷三海工，請嚴戒太監李蓮英兩疏，尤切宜，風采傾天下，顧性澹榮利。既歸田，嘗以正學爲後進導，主思賢講舍城南嶽麓兩書院，教士務文行合一。戊戌湘學會起，比辭朋興，先生持正論，力拒之。由是忌者橫目仇視，圖傾陷，而先生卒強立，遇地方大利病，必伸議論，爲疆吏匡救。若庚子償款，創計口收捐之策，粵漢鐵路爭廢約，毋貸外貲，英人貝納賜，設買肆省城，請飭還，與當事往復論難，卒如先生議。朝廷更軍制，行憲政，大吏疏薦爲學務議長，籌備諮議局會辦，固辭不獲，則將廩給，移以設簡易小學，暨澤善求仁兩堂，爲善義事，禮部奏派禮學館顧問官，鄂督南皮張公聘爲存古學堂總教，並辭不就。巡撫岑公，奏進先生所著書四種，詔旨褒美，加內閣學士銜，稽古之榮，以方乾隆朝顧氏棟，梁氏錫璜殆有過之，於湘中歲飢，先生數言於岑公，請過米運，實倉谷，用備非常，不之省。庚戌三月，長沙民以米貴鬧於市，亂民乘之起，嚴巡警道，火巡警署，市廛盡閉，巡撫不能制，揖布政使，授之印，事稍稍定。而諸紳率電達政府，及鄂督，請易巡撫，用先生名居首，先生未與知也，總督瑞澂，弗察，遽疏劾諸紳，其擣罪先生語尤詭妄，吏議譴五級，湘人官京師者大駭，廣訴都察院，請上奏昭雪，不報。自甲午乙未以來，東藩失，海軍燬，朝野志士，憤臂搢腕，太息

於國之無良，成法之利敵，變法自強，意非不審也，而持論詭激者，輒蔑棄我先聖先王之政教，謂一無足用，學說一誤，其害深中於人心，二十年間，新舊水火，代遞代興，蜩螗沸羹，以有今日，先生曩者斷斷苦口，殆孟氏所謂不得已，忌者乃乘間抵隙，務擠之而後快，雖天下咸訟其冤，而正氣剝喪垂盡，君子恤悲憂禍至之無日矣。明年秋，武昌變起，長沙亂，先生避地平江煙丹再徙縣城，三徙黃甲山，凡三年乃還長沙涼塘舊莊，憂危播遷，終日著書不輟，先生於學無所不究，門庭廣大，合漢宋涂轍而一之，其於崇經術，治國聞，致力彌篤，在史館，成東華錄二百卷，東華續錄四百九十卷，十朝謨烈，燦然大備，觀學江蘇，成皇清經解續編一千四百三十卷，上紹阮文達盛軌，用嘉惠來學，復以餘力輯南菁書院叢書一百四十四卷，其著述則有尙書孔傳參正三十六卷，三家詩議集疏二十一卷，漢書補注一百卷，後漢書集解一百二十卷，新舊唐書合注二百二十五卷，元史拾補十卷，荀子集解二十卷，莊子集解一卷，五洲地理圖志略三十六卷，日本源流考二十二卷，外國通鑑三十三卷，其撰集之書，則有合校水經注，續古文辭類纂，駢文類纂，律賦類纂，十家四六文鈔，六家詞鈔其校刊之書，則有欽定天銓琳瑯書目，前後編陳鶴論，世說新語，郡齋讀書志，景教碑文紀事考正，其聞揚先德，則有通奉公遺著詩義標準一百十四卷，鮑太夫人年譜

一卷，季弟先恭校注魏鄭公諫錄，文貞故事，拾遺十一卷，軍事攷證，成弟未竟之志，其表章鄉邦耆碩，若周侍郎壽昌，郭侍郎嵩燕之集，毛茂才國翰歐陽州判幹毛孝廉寶銘之詩，吳訓導敏樹之文，並輯音刊布，用章遺獻。訪獲亡友李布衣謨，丁孝廉蓉綬李明經稿詩文集授之梓，蘇郎中興，著春秋繁露義證，書成而殆，爲刊行之，其篤風義又如此自爲詩文曰，虛受堂文集十五集，詩集十七卷，門弟子所編刻之，先生天性純篤，事

鮑太夫人孝，中年所生子女，多夭折，太夫人感焉，先生愉色婉容，務得親歡，太夫人疾，禱天請代，及卒，哀慕終其身。世母郭，兩嫂吳楊，弟之婦張，並苦節爲建一門四節坊。奉其嫂臨祀焉。先生以丁巳年十一月二十六日，卒於涼塘，春秋七十有六。卒前數日，自知告終之期，預書日記，遺令不計，不入城設奠，卽以其年十二月十九日，葬上涼塘左壠，子首午趾，實長沙之東龍喜鄉也，配張夫人，繼配周夫人，李夫人，側室宋氏，毛氏。李夫人生子二，榮祖壽祖早殤，嗣子二，興祖

王葵園先生墓碑

長沙省治東遙四十里。其地爲龍喜鄉。王葵園先生晚棲於其鄉之涼塘以老。先生自江蘇學政任滿告歸。尋築室省城東隅居之。署曰葵園。學者因稱葵園先生。卽不復出。年方四十有七。同治甲子。由廩膳生舉於鄉。

葵園述略

，祖陶，先生晚歲毛氏生子祖恩，明德有後，蓋天佑云。女子六，娛祖順祖。祖恩祖李出，大貞毛出，二貞宋出，並臨，孫男一，代馨，孫女二，慶坻奉先生教，逾四十寒暑，再官於湘，每相見，則大歡慰，憤切時事，則又相向而悲，別無幾何，昔之所悲，不幸言中，人紀淪敦，斯文垂絕，一線之繫，繫先生是賴，天遽奪之，此海內承學之士，所同聲悲歎者也，而豈慶坻之私痛耶，嗚呼，乃爲銘曰：

聖清右文，儒風大昌。乾嘉經師，邁漢軼唐。流風漸被，迄乎同光。運際百六，道術晦盲。孰衷諸聖，以衛厥防。有魁一儒，奮起湖湘。甄綜六載，言提其綱。早謝纓紱，屹乎鄉鄉。聞彼邪說，乃剔乃攘。挺挺志節，嚼如雪霜。翕翕之口，奚損毫芒。維道隘汙，繫國存亡。羣陰所構，國步以傾。筮易得遜，張景涼塘。覃思終業，起廢針盲。龍蛇相識，萬士涕滂。縹緲船山，身晦名章。越三百載，遐隔南堂。學統一系，終始是衡。遺書滿家，名山茫藏。勒名幽室，永昭名茫。

門人黃兆枚敬撰

明年成進士。入翰林。散館授編修。擢右中允。遷左中允。司經局洗馬。翰林院侍講。左右春坊庶子。補國子監祭酒。庚子典試雲南。乙亥江西。丙子浙江。越十年簡江蘇學政。其國史館。功臣館。實錄館。協修纂修總

九